

AGENDRE TRINITATIS

MINGGU 07 Juni 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 22**

22. YESU HA UBÈ FANUNO 1

do = bes 4/4

MM = 96 - 104

1. Yesu, ha ubè fanuno, wa ' ebua dödö-Mö.
 He' u-wisa wamatunö, fa ' atulö nilau-Mö.
 He So' a- ya, samatörö, si lö ambö fa ' abölö.
 Be' e khögu Geheha-U, sango ' ou ba samahaö.
2. Ae dönisi göi dödögu, wanöngöni nilau-Mö.
 Ba bokai hörö dödögu, fa u' ila dödö-Mö.
 No fahöna wa' omasi, fatolosa, fangorifi.
 Fa' ahakhö dödö-Mö, fefu mbörö ba da' ö.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafii zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452**Haleluya..... Haleluya..... Haleluya.....****SA** : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 229

229. MA' ANDRÖ KHÖU 1

do = g 4/4

MM = 96 - 104

1. Ma ' andrö khö-U, he Yesu, rongo wangandröma.
Me oya wamaelungu, si möi fangalama.
2. Si te' ala ndra' aga, na lö fa' omasi-U.
Andrö böi röi ndra' aga afu lö elungu.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II Moze 20:1-17**

1. Ba iwa'õ daroma li andrö fefu Yehowa, imane:
2. Ya'odo Yehowa Lowalangi, si no mangeheta ya'ugõ ba danõ Miserayi andrö, ba zi no möi sawuyu ami.
3. Böi so khömõ Lowalangi tánõ bõ'õ, baero ndra'o.
4. Böi fazõkhi khöu nadu, ba he famaedo hadia ia, he si so si yawa ba mbanua, ba he si so si tou ba guli danõ, ba he si so ba nidanõ, barõ danõ.
5. Böi angalulu khõnia ba böi fosumange ia, me no Lowalangi solohu ndra'o, ya'odo andre, Yehowa, Lowalangi, sanguhuku horõ ndra ama ba ndraono ba ba ma'uwu mitou, khõra si fatiu tödõ khõgu,
6. ba si hakhõsi tödõ sangomasi'õ ya'o ba solo'õ oroisagu; irugi hõnõ nga'õtõ.
7. Böi tötõi döi Lowalangi Yehowa ba waya; lõ'õ sa zi lõ ihuku Yehowa zanõtõi töinia ba waya.
8. Ame'egõ tödõ luu wolombase andrö, ba we'amoni'õ ya'ia.
9. Õnõ ngaluo mohalõwõ ndra'ugõ ba õhalõ halõwõu fefu.
10. Ba ero fitu bongi, ba luu wolombase khõ Lowalangi Yehowa; böi babaya hadia ia halõwõ ba da'õ, he ya'ugõ, ba he onou matua, ba he onou alawe, ba he sangai halõwõ khõu ira matua ba he sangai halõwõ khõu ira alawe, ba he urifõu, ba he si fatewu khõu ba mbanuami bakha.
11. Õnõ ngaluo sa mege khõ Yehowa, ba wamazõkhi banua si yaw~a, awõ danõ, awõ nasi, awõ nõsira fefu; ba ba luu si fitu, ba no molombase ia. Andrö wa no ifahawu'õ luu si fitu andrö Yehowa, ba no i'amoni'õ.
12. Fosumange namau, awõ ninau, ena'õ anau nosou ba danõ, nibe'e Lowalangi Yehowa khõu.
13. Böi ange'e.
14. Böi ohorõ.
15. Böi anagõ.
16. Böi böbõgõ khõ nawõu zi lõ duhu.
17. Böi isõ nomo nawõu. Böi isõ wo'omo nawõu ba he sangai halõwõ~õ khõnia ira matua, ba he sangai halõwõ khõnia ira alawe, ba he õrõbaonia, ba he kudonia, ba he hadia ia, fefu, nibayabaya nawõu.

Simanõ daroma Li Lowalangi, da tatema'õ faoma sinunõ: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' õ döi-Nia, sotõi banua-Nia.
Me no Ikaoni göi ami, afu mitemawa'auri, khõ Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusõ'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma höröma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.

LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHÜO (AB)

: Da tafondrondrongo daroma Li Lowalangi, tehalö moroi ba zura **I Korindro 10:18-26**

18.Mifaigi Ndraono Gizeraëli andrö, si ndruhu madou Yakobo. Hadia, tenga no faböbö ba naha wame'e sumange zi manga zumange andrö?

19.Ba hadia niwa'ögu? Hadia, soboto zumange nadu andrö, ba ma adu andrö, hadia, soboto?

20.Tenga si manö. Hadia zumange, nibe'era, ba ba mbekhu labe'e, tenga khö Lowalangi. Ba lö omasido, na ba mbekhu faböbö ami.

21.Tebai faoma mibadu, he ösi mako andrö khö Zo'aya, ba he ösi mako mbekhu. Tebai faoma mo'urakha ami, he ba wemanga andrö khö Zo'aya, ba he ba wemanga ba mbekhu.

22.Ma edöna ita ta'andrö wönu Zo'aya? Hadia, sabölö moroi khönia ita?

23.Fefu hadia ia, ba tola, ba so zi lö guna. Fefu hadia ia, ba tola, ba so zi lö möi fanga'azökhi.

24.Böi yamu'alui zoguna khönia zamöšana, soguna khö nawönia yamu'alui.

25.Fefu hadia ia ni'amawa ba onga, ba mi'a, böi mizofuzofu, ba dödömi andrö.

26.Khö Zo'aya sa danö, awö nösi guli danö.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata si sambua ni'ofulu khö

Lowalangi. Nidönia'ö Pendeta Pengkhotbah.

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu. Ba si föföna ua da tafondrongo Li Lowalangi me imane:
- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

- SA** : Tafa'ema wasömbata khö Lowalangi, manunö ita moroi ba Mbuku Zinunö
Numero 260

260. NO OYA NITEMADA 1

do = es 4/4

MM = 88 - 96

1. No oya nitemada buala Zo' aya.
Sinangea ta ' andrö saohagölö-Nia.
2. Botoda, ba nosoda talulu khö-Nia.
He lala halöwöda, ya sumange-Nia.
3. A' oi Ifahowu' ö halöwö dangada.
Ta' andrö saohagölö, zi no Ibè khöda.
4. Andrö mo' ömö ita wamè fasömbata.
Tabè sumange-Nia, moroi ba dödöda.
5. Ya' ugö gubaloma ba lala döröwa
Ba zomasi Ndra' ugö fatörö ndra' aga.
6. Ma' andrö khö-U So' aya rorogö ndra' aga
Sagötö fekolima ba fahowu' öga.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE 1

Ira'alawe □

1. Ya ' e zumange fasömbata, ma ' ohe sumange Yehowa.

Iramatua

- Reff* : Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
 3. Ya'e zumange fasömbata buala si'otarai Nama.
Reff : Ma'andrö khö-U
 4. Ya'e zumange fasömbata, boto, noso, ba fa'aurima
Reff : Ma'andrö khö-U
 5. Ya'e zumange fasömbata, lö irugi zomasi dödö-U.
Reff : Ma'andrö khö-U
 6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavvamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

8. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
a. Koor Jemaat

- b. Kegiata Komisi Perempuan
- c. Kegiata sektor 3
- d.

**9. MANUNÖ
SA**

: Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

**10. HUHUA SEBUA
SH**

- : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Sinunö / Mazmur 50:7-15 (Tuho Migu: Khö Yehowa Gulidanö awö Nösinia / Dunia dan Segala Isinya Milik Tuhan)*
 - b. Fanuriaigö
 - c. Nitanö ba dödö. *I Korindro / 1 Korintus 10:26 (Khö Zo'aya sa danö awö nösi gulidanö. / Karena: "bumi dan segala isinya adalah milik Tuhan".)*
 - d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU²

1. No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

**11. TUHO WAMATI
SA**

: Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ
SA : Manunö ita moroi ba Mbuku Zinunö **numero: 329 ayati 1-2**

329. HE SO' AYA, BÖI RÖIGA

Lala : He Haga ba Zorugo (No. 339)

do = d 4/4

MM = 96 - 104

1. He So ' aya, böi röiga, wanörö lala wamati.
Afu lö faröiga khö-U böi so zaetu fa ' omasi.
Abölö ' ö ndra ' a-ga, Eheha.
2. Wa' oya zi lö sökhi salua ba gulidanö.
Wa' ato zi no faröi me no so wa' aombö dödö
A' aro' ö dödöma, So' aya.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(totohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU :**
Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **329 ayati 3**

329. HE SO' AYA, BÖI RÖIGA

Lala : He Haga ba Zorugo (No. 339)

do = d 4/4

MM = 96 - 104

3. Börö gisö' isöma, sondrörö era' erama.
Wa elungu dödöma, wamalua somasiga.
Hede khöma So' aya tenawa.

SH : YA'AHOWU

SATO : YA'AHOWU